

gumentum, nullum exemplum habemus.
Ergo &c.

4. *Argumenta* prorsus nulla occurrunt, quæ suadeant substantiam aliquam in nihilum interire, licet à parte Creaturæ existendi contingentia, mutabilitas & dependentia, à parte Creatoris summa potentia & indifferentiæ libertas occurrant, quibus annihilationis possibilitas adstruitur, de qua nos non agimus hoc loco, cum factum ipsum tantummodo negemus.

5. *Nec exempla* suppetunt ulla: dum enim ignis, candela, flamma, exstinguitur, particulæ prius conjunctæ in aliqua copia, ac proinde sensibiles, à se invicem separantur ac dividuntur, tumque mirum non est, quod subtilitate sua singulæ sensus nostros afficere nequeant.

6. Sic aqua à calore non redigitur in nihilum, sed in tenues Vaporum particulas, quæ per aërem dissipantur, & sæpe succedente frigore iterum congregantur in pluviam, nivem, grandinem &c.

7. *Nec aliud ullum* in toto Naturæ libro exemplum legitur annihilatæ substantiæ, imò nec in libro Scripturæ legitur, cum ne Diabolos quidem in nihilum à
Deo